

吳興藝文補

吳興藝文補卷之四十九目錄

毛滂

茗子詩

詠杜牧之事

餘英館

以下俱在武康

上渚湖

下渚湖

定光禪院

集翠堂

清明過下渚湖

寒秀亭

次同僚禱雨韻

證道寺留別

銅山

石順寺

畫寢石順寺

福慶寺

翠峰寺

塔院

米芾

和和公峴山之作

將之苕溪戲作呈諸友

余居半載諸公載酒不輟復借書劉李周三姓

入境寄集賢林舍人

湖州守林希

重九會郡樓

遊湖州

賈收

送友人赴天台幕

和沈君與送蟹詩次韻

君與名偕長卿之祖

題杭州有美堂

李行中

自詠醉眠亭

招韓憲仲廷評

趙明叔太博未識先貽嘉篇

黃庭堅

寄子瞻聞得湖州

奉答謝公靜與榮子邕論狄元規孫少述詩長韻

陳師道

和賈耘老春晚

和劉元樂月夜寄賈耘老

和元樂銷暑樓曉望

次韻回山人贈沈東老二首

釋淨端

題吉祥寺茶山

同蘇饒文宿吉祥寺

送上方亮老

祥符寺溪堂

歸雲菴

睡起

山居詩

贈長興王省元

劉誼

見前

曾公巖

無題

黃山溫泉

朱服

元豐感事詩

過廬州

丁注 歸安人

題永慶覽勝亭

陸元光

赴官晉陵別淨禪師

五柳橋

沈偕

見前



寄賈耘老蟹

報耘老詩仍次韻

東林白雲菴

太史章

德清人

桐栢崇道觀

題幽石

石橋

題望飛泉

題宴坐石

劉燾

見前

題樂平寺

宿華嚴院

邵白埭斗野亭

秦觀

同子瞻端午日遊諸寺賦得深字

吳興

醉眠亭

泊吳興西觀音院

德清道中還寄子瞻

吳興道中

別買耘老

陳令舉妙奴詩

樂昌公主

和莘老遊龍洞

雪上感懷

林希

見前

湖州上地圖

張耒

贈張嘉甫

赴宣城守吳興道中

戲贈張嘉甫

雪溪道至四安鎮

唐庚

張嘉父生日

嘲陸羽

李獻甫

無餘居士齋壁有沈傳師遊道山岳麓詩石刻穆

仲等和之因亦次韻

周紫芝

舟過道場山下將往遊舟師告以雪塗不可行而  
止

次韻蔡仲平梅花用玉局海南韻

次韻仲平雪中之作

吳興道中過落石祠廟貌甚嚴勝云唐李英公廟  
茗雪舟中二首

聞耘老猶在雪州

次韻仲平喜雨二首

謁顏魯公祠時新築懷忠堂

季共以師子花見借作詩歸之而報甚寵且言隆  
近爲余作數馬奇甚乃作此詩以見願借之意

隆卽

堯隆

季共以隆師四馬見示後三日作長句以歸之

韋深道寄荅雪舟中六言五首

題蔡仲平博士行田記唱詩軸

荅雪舟中戲題

羅叔共五色線中得玄真子漁父詞擬其體僕亦

擬作六首

王銍

定光院

武康

周之深

長興人

遊清果寺

在長興

石橋

俞秀老

詩

許遵 長興令

明月峽 在顧渚側

黃裳

將遊苕溪先寄同志

張大亨 見前

詩

晁補之 見前

自蒲赴湖早行作

自蒲赴湖至板橋逢杜謀伯



再和嘉父見貽

次韻嘉父喜雪

陳瓘

秀聚亭

武康

劉景文

遊越山寺看泉

在德清

釋德洪

與嘉父兄弟別於臨川復會毘陵

戒壇院東坡枯木張嘉父妙墨童子告以僧不在

不可見作此示狂履道

徐師川罪余作詩多恐招禍因焚去筆硯入居九  
峰投老庵讀高僧曇諦傳忽作數語是足成之  
以寄師川師川讀之想亦見赦二首

曇諦見前

葛勝仲

見前

晚歲卜居於寶溪之上建觀禊堂於水濱紹興癸  
丑與客泛舟修禊甚樂距永和癸丑不知其幾  
癸丑也因與客相與推算自永和九年歲甲子  
一週爲晉義熙九年又一週爲宋元徽元年自

後梁大通元年隋開皇十三年唐永徽四年開  
元元年大曆八年大和七年景福二年周顯德  
二年本朝祥符六年熙寧六年皆歲在癸丑凡  
七百八十年矣乃作詩以紀其事

定光禪院

武康

妙行堂

武康

富直柔

寓公

湖州寶溪呈葛魯卿陳叔易

寶溪在歸安射村魯卿名勝仲

陳恬

謝葛魯卿惠酒肉薪米

呂純陽

題沈侍郎  
驛百花莊內

綠野堂

在烏戍

無名氏

送莫郎中致仕歸湖州詩

并引

曾紆

慈感寺珠羅漢

晁冲之

次君表韻答葉少蘊甥

和葉甥少蘊內翰重開西湖見寄二首

和寄葉甥少蘊內翰見招

次韻再答少蘊知府甥和四兄

以長句并見寄道

復和少蘊內翰甥兼謝伯蘊通判兄再贈

復用韻

姚穀

德清人

九姑山最高亭

李綱

簡寂觀

劉珙

送陳伺知湖州

葉夢得

遊南峰寺

括蒼護法寺

括蒼靈峰寺

送嚴堦侍郎北使

吳興慈感寺珠羅漢

吳興藝文補卷之四十九目錄

終

吳興藝文補卷之四十九

烏程董斯張遐周彙編

閔元衢康侯恭輯

韓千秋聖開增定

苕子詩

詠杜牧之事

毛滂

白蘋溪邊張水嬉紅蓮上客心在誰丹山鸞雛雜鷗鷺  
暮雲晚浪相逶迤十年東風未應老斗量明珠結里媼  
花房著子青春深朱輪來時但芳草

餘英館

毛滂

故第園林改遺亭石壁新垂虹一橋月夾繡兩堤春花

落俯流水鳥啼懷故人憑闌看翠荇無意數游鱗

上渚湖

毛滂

秋色向幽處浮家聊遠尋醉來蓬鬢亂卧入蓼花深雲  
壑封詩意烟波留客心未應兒輩覺餘醪且頻斟

下渚湖

毛滂

春渚連天濶春風夾岸香飛花渡水急垂柳向人長遠  
岫分蒼紫垂波映渺茫此身萍梗爾泊處卽吾鄉

定光禪院

毛滂

曉出開霜阪饑鳥啄麥畦山腰餘雪瘦天面冷雲低寒



意梅花北禪心栢子西窓前借殘月照我渡前溪

集翠堂

毛滂

煙岫供寒翠風簾舞小晴短牆分竹色虛戶納松聲弄  
簷雲窓煖煎茶玉醴輕端知松檜月獨伴夜禪清

清明過下渚湖

毛滂

濕雲堆雨未全輕淖鵲翻枝已喚晴含雨落花空汨眼  
襲衣香草欲知名細泉入竹通幽意孤策侵苔記獨行  
不醉河陽芳樹底亂山携酒過清明

寒秀亭

毛滂

卷之十一  
二  
伐蒿種竹作清深洗石鋤垣出翠紋玉節露勻新帶月  
苔膚雨澁細留雲四簷妍色開清曉一畝濃雲寄夕暉  
陶令醉時煩客去夢魂瀟洒與誰云

次同僚禱雨韻

毛滂

荐歲熙和屬卧龍得分閑暇與君同春筐縷雪衾裯足  
午甌炊珠頰輔豐蜥蜴興雲誰汝信商羊舞雨自言功  
州人欲識餘英雪寄語飛簾百里風

證道寺留別

毛滂

水畢山前蹭蹬身三年魚鳥許爲鄰歸當解組槐陰下

更有酴醾一夜春

銅山

毛滂

擬共孤雲結往還  
更名居士小香山  
他年誰復尋遺賞  
爲到雲山杳靄間

石願寺

毛滂

碧瓦朱甍紫嶺東  
昂雲松桂響寒風  
靈泉清映銀牀在  
無復當年大小空

晝寢石願寺

毛滂

何人支枕古邯鄲  
孤卧孤牕四面山  
故遣白雲遮谷口

不教幽夢落人間

福慶寺

毛滂

欄干倚盡赤旃檀  
蘆橘花開秀巘寒  
會取西庵留客意  
紗牕踈日上蒲團

翠峰寺

毛滂

隔牆楊柳舞腰斜  
傍砌驚梨玉作花  
此地風光誰管得  
小詩收入長官家

塔院

毛滂

雲煙七級赤旃檀  
龍護金函佛骨寒  
問道世人春到否

瑞香花謝倚欄干

和和公峴山之作

米芾

皎皎中天月團團徑千里震澤乃一水所占已過二娑  
羅卽峴山謬云形大地地惟東吳偏山水古佳麗中有  
皎皎人瓊衣玉爲餌位維列仙長學與千年對幽操久  
獨處迢迢願招類金颺帶秋威歛逐雲檣至朝隤輿馭  
颺暮返光浮袂雲育有風駟蟾蜍有刀利亭亭太陰宮  
無乃瞻星氣興深夷險一理洞軒裳僞紛紛夸俗勞坦  
坦忘懷易浩浩將我行蠢蠢須公起

將之苕溪戲作呈諸友

米芾

松竹留因夏溪山去爲秋久賸白雪詠更度采菱謳縷  
玉鱸堆案團金橘滿洲水宮無限景載與謝公游  
半載依修竹三時看好花懶傾惠泉酒點盡壑源茶主  
席多同好群峰伴不譁朝來還蠹簡便起故巢嗟

余居半載諸公勣酒不輟復借書劉李周三姓

米芾

族食綠交駐浮家爲興來句留荆水話襟向下峰開過  
剡如尋戴游梁定賦枚漁歌堪盡處又有魯公陪

密友從春折紅薇過夏榮團枝殊自得顧我若含情  
有簡隨色寧無石對聲却慙皎皎月依舊滿船行

入境寄集賢林舍人

湖州守  
林希

米芾

揚帆載月遠相過佳氣恁恁聽誦歌路不拾遺知政肅  
野多滯穗是時和天分秋暑資吟興晴獻溪山入醉哦  
便作蟾蜍共研墨綵牋書盡剪江波

重九會郡樓

米芾

山清氣爽九秋天黃菊紅葉滿汎船千里結言寧有後  
群賢畢至猥居前杜郎閑客今焉是謝守風流古所傳

獨把秋英綠底事老來情味向詩偏

遊湖州

米芾

夜汎五湖霜氣清  
湯湯不辨水天形  
雖無織女支機石  
且對嫦娥稱客星

送友人赴天台幕

賈收

天台仙籍上又見姓劉人  
入幕紅蓮曉趨庭綵服春  
魚多知海熟藥少覺山貧  
太守鄉儒丈何妨婉畫頻

和沈君與送蟹詩次韻

賈收

彭越孫多伏下風  
螭蚌奴視敢稱雄  
江湖縱養膏腴紫



鼎鑊終烹爪眼紅  
嘲稱吳兒牙似鏤  
劈慚湖女手如葱  
獨憐盤內秋臍實  
不比溪邊夏殼空

題杭州有美堂

賈 收

自刊宸畫入雲端  
神物應須護翠巒  
吳越不藏千里色  
斗牛常占一天寒  
四簷望盡回頭懶  
萬象搜來下筆難  
誰信靜中踈拙意  
畧無踪跡到波瀾

自詠醉眠亭

李行中

簷低檻曲莫嫌隘  
地僻草深宜晝眠  
代枕暮憑溪上石  
當簾時看屋頭煙  
倦游拂壁畫山逕  
貪醉解衣還酒錢

一水近通西浦路客來猶可棹漁船

招韓憲仲廷評

李行中

野徑荒亭草沒腰一眠聊以永今朝放懷不管人間事  
破夢時聞夜半潮水柱劉叉詩未厭金龜李白酒難招  
知音有意尋安道咫尺何時動畫橈

趙明叔太博未識先貺嘉篇

李行中

要識荒亭路不賒浦西橋北對漁家窓嫌日曝新栽竹  
疏占畦長未種花壁上客來堆醉墨籬根潮過積寒沙  
被人誤號陶彭澤也學門前五柳遮

寄子瞻聞得湖州

黃庭堅

天下無相知得一已當半桃僵李爲仆芝焚蕙增歎佳  
人在江湖照影自娛玩一朝入漢宮掃除備冗散何如  
終流落長作朝雲伴相思欲面論坐起雞五旦身慙尸  
廩祿有罪未見案公文雄萬夫皦皦不自亂臧穀皆亡  
羊要以道湔盥傳聲向東南王事不可緩春波下數州  
快若七札貫椎鼓張風帆相見激衰悞空文不傳心千  
古付煨炭安得垂天雲飛就吳興館魚蟹桺絮肥筍煮  
溪沙暖解歌使君詞樽前有三粲

奉答謝公靜與榮子邕論狄元規孫少述詩長韻

黃庭堅

謝公遂如此宰木已三霜無人知句法秋月自澄江二  
子學邁俗窺杜見牖窓試斲郢人鼻未免傷手創蟹胥  
與竹萌乃不美羊腔自往見謝公論詩得濠梁世方尊  
兩耳未敢築受降丹穴鳳凰羽風林虎豹章小謝有家  
法聞此不聽將相思北風惡歸鴈落斜行

和賈耘老春晚

陳師道

縈縈裊裊幾絲飛千葉千燈照晚暉紫翠園林鶯欲懶

黃昏簾幕燕初歸  
花明西苑將迎幸  
草綠平原正打圍  
一卧海城春又晚  
不妨閑處得真機

和劉元樂月夜寄賈耘老

陳師道

胡牀欲上庾公樓  
那復周南歎滯留  
皓魄光連鮫室午  
疎星冷浸洞庭秋  
錦袍有興思姑孰  
桃楫無心問莫愁  
喚取長江來入社  
不勞牛渚問行舟

和元樂銷暑樓曉望

陳師道

連郭溪山接四鄰  
身輕步蹻一梯雲  
圖南羽翮搏空見  
倚北光芒入夜分  
蕪沒池臺餘故事  
風流人物想前聞

翛然更欲思招隱猿鶴還應怨舊群

次韻回山人贈沈東老二首

陳師道

一杯領意不須沽六字持身已有餘癡子未知天上樂  
先生今解世間書

後篇屬沈東老

陳師道

隨世功名非所望稱家豐儉不求餘青衫出指論奇字  
白髮挑燈寫細書

題吉祥寺茶山

釋淨端

吉祥山水與雲連清韻來聞二十年知道老僧無熱惱

金沙地內不流泉

同蘇饒文宿吉祥寺

釋淨端

孤峯峻嶺翠光寒  
山勢奔湖去又蟠  
今夜虎頭巖下宿  
更無歸夢出林巒

與公昔作長城別  
一去塵埃六七年  
夜靜書堂尋舊約  
定將生計話林泉

送上方亮老

釋淨端

何故無心戀雪溪  
鄆南風景白雲齊  
有人若問宗門事  
水自東流日自西

祥符寺溪堂

釋淨端

開窓滿目見溪山  
簷水東流下嶺灣  
夜月深明漁櫂靜  
白雲無事到禪關

歸雲菴

釋淨端

老來林下養閒軀  
茆屋清虛蚊蚋無  
一徑松風何處起  
入於穿竹兩三株

廝起

釋淨端

石枕藤牀一榻低  
覺來還自日沈西  
白雲堆裏翻身轉  
一曲漁歌在碧溪



山居詩

釋淨端

吳山古寺近溪邊  
高閣虛堂景象全  
林下寂寥爐火盡  
未眠猶聽夜行船

吳山古寺寒松直  
老鶴巢居最上頭  
唯愛月明中夜後  
一聲清唳滿山愁

老來無事掩柴扉  
林下閑閑何所爲  
莫道茆菴無一物  
窓前片片白雲飛

野老欣欣任自然  
齋餘無事翫林泉  
門前竟日無人到  
夜對喬松月在天

巖前松竹兩三株日炙風吹漸漸枯  
葉落縱橫人不掃  
清聲猶自響朝晡

人事悠悠懶更攀  
茆堂靜坐白雲間  
夜觀明月爲高燭  
一道清光照萬山

因觀楊柳垂青眼  
始覺人間春到來  
遙望南山雪消盡  
寒梅猶有一枝開

水澄山色映青天  
靜坐茆堂未欲眠  
好翫巖頭松與月  
更聞高柳一聲蟬

耳聾不聽樓頭鼓  
眼暗難看夜半燈  
一曲漁歌聲盡後

歸雲天外自騰騰

贈長興王省元

釋淨端

誰測先生意趣難貧如原憲學宗顏年年酒債將琴當  
歲歲詩狂待月還

曾公巖

劉誼

尋得新巖冠一州使君從此作黿頭千年草莽埋幽致  
今日衣冠成勝遊洞穴已能驚俗眼神仙須合隱浮丘  
主人將爲商霖起還許微官卜築不

無題

劉誼

曾跨江南使者鞍  
奮言纔上便休官  
三茅得夢全清瘦  
頭髮鬚髻布襖寬

黃山溫泉

劉誼

山有靈砂泉色紅  
滌除身垢信成功  
不降心上無明業  
只與山間衆水同

元豐感事詩

朱服

冠帶橋門路雍容  
進士關微言尊噩噩  
小道屏間間禮樂  
高千古詩書到百蠻  
斯文知未泯  
壁水尚如環

過廬州

朱服

昔年吳魏交兵地，今日承平會府開。  
沃壤欲包淮甸盡，堅城猶抱蜀山迴。  
柳塘春水藏舟浦，蘭若秋風教弩臺。  
獨有無情原上草，青青還入燒痕來。

淝川勝賞冠他州，浦口揚舲得俊遊。  
梅雨正迷江國路，萍風先破洞庭秋。

題永慶覽勝亭

丁注

挿迥飛簷聳凌虛，疊切危四天欄下。  
揖萬象掌中窺，目力不到處雲容無盡時。  
塵塵皆勝事，凭檻幾人知。

赴官晉陵別端禪師

陸元光

枕上浮生過半百短髮毵毵霜祿白西溪溪上舊家山  
歲歲故鄉歸似客船頭漸進古松門云是吳均讀書宅  
煙雲半嶺見層樓崢嶸鰲頂蓬宮窄有人挂衲歸盤陀  
棱稜瘦骨真維摩幾年面壁舌不動忽然拍手演漁歌  
秋來滿船載明月直鉤不釣閒黿鼉一雨笠一煙蓑五  
湖深處任風波黃梅渡口水流急救護心誰如老婆

五柳橋

蒙老有嘉木  
八詠錄其一

陸元光

五柳先生倦折腰孤眠千載仰風標青衫令尹頭如雪  
不厭朝昏過此橋

寄賈耘老蟹

沈偕

黃杭稻熟墜西風肥入江南十月雄橫跪蹯跚鉗齒白  
圓臍吸脇斗膏紅螯須園老香研柚羹藉庖娘細劈蔥  
分寄橫塘溪上客持螯莫放酒杯空

報慈老詩仍次韻

沈偕

蟲腹無端苦動風團雌還却勝尖雄水寒且弄雙鉗利  
湯老難逃一背紅蛟入幾家煩海涵醢威何處汚園葱  
好收心躁潛蛇穴毋使雷驚族類空

東林白雲菴

沈偕

朝看白雲出暮看白雲歸怪得菴中老經年不掩扉

桐栢崇道觀

太史章

神僊隱居尚深渺徑迂不欲與世通必求峭拔出林杪

俯視左右環群峰飛泉不測源所自瀑注一落千丈虹

步躋石磴旋

去聲

盤折翠蔭蒙密多長松唐聞馬練師晉

傅葛仙翁丹灰已死不復熾獨有翰墨留遺蹤定知華

表立歸鶴誰見靈湫藏蟄龍白雲子信亦稀藐

入聲視聲

利如塵泥仕途捷徑非我樂不死之鄉終欲歸玉霄峰

前煙撲撲金庭宮外雲霏霏哀猿嘯斷月不古桃杏得



春還蒲枝風馭寥寥何處在孤墳棺殮只空衣

題幽石

太史章

痕疑神所鑿不與衆巖俱鎮地形何直參天勢自孤鶴  
栖喬木穩猿攬古藤簾欲得丹青手和雲畫作圖

石橋

太史章

澗底輕雷噴玉泉石橋僧度是何年靈峰斗隔人間世  
真境潛分洞裏天施食曾聞龍就掌談空應有虎當筵  
道猷雪涕非無謂誰見湔腸掛水顛

題望飛泉

太史章

既晴安得雨霏霏不道流泉落翠微側帽試看繩引處  
破煙千點濕人衣

題宴坐石

太史章

白雲曾罩定中身石上雲歸不見人應有山神長守護  
松風時爲掃埃塵

題樂平寺

劉 燾

名藍占幽寂花木深禪房闕軒俯芳流竹風終日涼謂  
此已勝絕坐可雄諸方誰知槿籬外古木鬱蒼蒼下有  
湍激澗珠玉鳴琅璫何當開松門兩岸安石牀盡發溪

山奇枕流挈其芳他年我重來君子留徜徉

宿華嚴院

劉 燾

夜宿霧山霧晨茹芝山芝年來嗜好衰但與青山宜登  
臨意未愜出戶車已脂王事有期程愛山豈予私崎嶇  
田野間食寢將安之天寒未落日稅駕忽在茲二山已  
陳迹茲處尤新奇翠竹與黃花一一對山扉對景自忘  
言若與予心期眠雲飽山色那得困與饑山僧喜我來  
迎我留新詩我有愛山癖山僧知不知

邵伯埭斗野亭

劉 燾

地勢如披掌天形似覆盤三星羅戶牖北斗掛闌干晚  
色芙蓉靜秋香擺掣寒更無山礙眼剩覺水雲寬

同子瞻端午日遊諸寺賦得深字

吳興

秦觀

太史抱孤韻暢懷在登臨別乘載鄒枚佳辰事幽尋參  
差水石瘦窈窕房櫳深清磬發疎箔妙香橫素襟復登  
翠堵坡環回囑嗽峯雙溪貫城郭暝色帶孤禽涼颿動  
爽籟薄雨生微陰塵想澹清漣牢愁洗芳斟揮筵訂往  
古援毫示來今愧無刻燭敏續此金玉音

醉眠亭

秦觀

醉來豐蔀同眠去身世失二樂擅一亭夫子信超逸杯  
行徂老春肱枕頽外日壯志未及伸幽願良自畢

泊吳興西觀音院

秦觀

金剎負城闔閭然美栖止下山直穿窿若水相依倚霜  
檣鬱冥冥海棕鮮凝凝廣除庇夏陰飛練明朝晷溪光  
鳥鷺遶天色菰蒲裏緒風傳晝焚壁月窺夜禮洩雲華  
層空規荷鑑幽沚餘艗烟際下鍾磬林端起聲牙戲清  
深嶽峯撲空紫所遇信悠然此生如寄耳志士耻溝瀆  
征夫念棄梓攬衣軒楹間嘯歌何窮已

德清道中還寄子瞻

秦觀

投曉理竿棹，溪行耳目醒。  
蟲魚各蕭散，雲日共晶熒。  
水行重深翠，煙山疊亂青。  
路回逢短榜，崖斷點孤翎。  
荒薄開羅帳，淪漪寫鏡屏。  
踈籬窺窈窕，支港泛苓箐。  
遠淑依微見，哀獮斷續聽。  
夢長天杳杳，人遠樹冥冥。  
旅思搖風旆，歸期數月羹。  
何時燃密炬，復聽閣前鈴。

吳興道中

秦觀

黽勉華門下，十年守一方。  
胡爲御舟者，挽我置此傍。  
青山不肯盡流水，故意長。  
雖云道里遠，瓦樽有酒漿。

別賈耘老

秦觀

若有人兮雪之濱服火齊今冠切雲有才不爲世所掄  
盡入詩句爲奇新忘歸繁弱不浪陳發必中的疑有神  
目關飛鳥緡蒼鱗俛仰自娛忘賤貧繫我與君素參辰  
孰爲一見同天倫共指飛光易沉淪莫若痛飲還我真  
况有內子賢文君終日叫呼不怒嗔酒酣往往出前珍  
瓦甌竹筴羞青芹左列文史右紅裙樽前不覺徂清晨  
念我行當西道秦拏舟來別非所欣欲託毫素通殷勤  
郢匠旁矚難揮斤人生百齡同臂伸斷梗流萍暫相親

行行飲酒且勿云丈夫萬里猶比鄰

陳令舉妙奴詩

秦觀

西湖水滑多嬌嬈妙奴十二正芬芳肌膚皙白髮腳長  
含語未發先有香溪上夜燕侍簪裳皎如華月墮滄浪  
音聲入雲能斷腸不許北客辭酒漿主人藹藹邢之良  
少年射策謁未央俊詞偉氣森開張玉杓貫斗生怒芒  
天欲文采老更昌故使歛翮窺群翔五十僅補尚書郎  
浩歌騎牛倚徜徉東風戲雨花草狂二溪泱泱青黛光  
妙奴勿倦倩羽觴主人正欲遊醉鄉



樂昌公主

秦觀

金陵往昔帝王州。樂昌主第最風流。一朝隋兵到江上，  
共抱淒淒去國愁。越公萬騎鳴笳鼓，劍擁玉人天上去。  
空攜破鏡望紅塵，千古江楓籠輦路。

和荅老游龍洞

秦觀

葦蕭傳火度冥冥。乍入清都醉魄醒。草隱月崖垂鳳尾，  
風生陰穴帶龍腥。壁間泉貯千鍾碧，門外天橫數尺青。  
更欲仗筇留頃刻，却疑朝市已千齡。

雪上感懷

秦觀

七年三過白蘋洲長與諸豪載酒遊舊事欲尋無處問  
雨荷風蓼不勝秋

湖州上地圖

林希

繞郭芙蓉拍岸平花中蕩槳不聞聲萬家笑語荷香裏  
却是人間極樂城

贈張嘉甫

張耒

浮舟大江里三千歸掃先隴清淮壩杜門古寺厭岑寂  
夢寐清潁如家山汝陰昔謬稱刺史自愧何術甦惻隱  
平生爲吏甘淺拙敢作蟲賊傷民田未憂懷甄擘之去

乃欲築室買一椽簞瓢三畝易辦耳寄聲父老不汝干  
長淮清冬龍蜃蟄放舟出郭天宇寬浮梁橫前嫻可纜  
金塔却立儼難攀脩髯幼好此奇服白壁刻珮鳴玦環  
抱持微學不忍棄清明竹木遭削刪三年江湖有魑魅  
一日寶府觀瑜璠漸消鄙吝心自喜追計存沒涕亦潛  
尋山把酒豈易得客路霰雪衣裘單塵埃可洗憂可豁  
待君一勺玻璃泉

赴宣城守吳興道中

張耒

秋野連雲靜三吳稻熟時風江客帆疾晴塹鴈行遲草

木霜天曉山川澤國卑宣城不負汝好寄謝公詩

戲贈張嘉甫

張耒

鉄鎖沉淵誰敢干塔中古佛淡無言歲窮故里何時到  
舟泊危亭盡日閑博士鰲鹽稀把酒腐儒氷葛慣衝寒  
籃輿未怯浮梁險興發猶能走馬鞍

霅溪道至四安鎮

張耒

茗霅清秋水底天夜帆燈火客高眠江東可但鱸魚美  
一看溪山直萬錢

張嘉父生日

唐庚

靈光不自藏今日誕忠良揮塵雲騰湧我冠鶴瘦長  
明心似月勤幹髮成霜赤縣鳴琴宓清朝攬轡滂權衡  
公調選陵阜富饒糧除惡雖云切憂民只恐傷行看星  
使動已覺省蘭香壽考何須祝傳家辟穀方

嘲陸羽

唐 庚

陸子作茶經竟爲茶所困其中無所主復著毀茶論簡  
賢傲長者彼自愚不遜茶好固自若於我有所恨便當  
脫野服洗琰爲一獻飲罷挈茶去譬彼澆畦畹君看禍  
正平意氣真能健達與不達人何啻相千萬

無餘居士齋壁有沈傳師遊道山岳麓詩石刻穆

仲等和之因亦次韻

李獻甫

湘西勝景豈易論群山騰闖萬馬奔鶴泉一麓驚鵬噉  
松風十里藏祇園當時侍御偶題寫筆力誰敢爭雄尊  
東坡少年妙詞藻南陽舊族齊陰樊天心月脇出奇語  
使我展讀忘朝昏差差戈劒隱一敵落落旗鼓嚴千屯  
無餘居士厲幽志細研六藝方專門凍肝嬌兒慣腸寬  
啼饑瘦婦餘淚痕惟君德義允相愜每窮道妙角與根  
他人勸酒驚逐魂二子頻酌勤空樽醉中詩成渺江海

風外幡影徒飛翻卷藏篋笥已戢戢風生襟袖何軒軒  
嗟乎我亦有餘腐陋哉羊政囚華元

舟過道場山下將往遊舟師告以雪塗不可行而  
止

周紫芝

風蒲飽朝航霽色急新漲雲山繞平湖水墨澹屏障夷  
猶植初回突兀山入望何妨傾寸眸便足了千嶂想像  
鍾磬音隱約霄漢上我欲一往遊遐瞻茲可暢暮雪猶  
在塗遺事不得訪人生蠟屐緣一世能幾兩登山追勝  
遊脚力須少壯重來定何時吾策今可杖老願復爾違

撫事一惆悵

次韻蔡仲平梅花用玉局海南韻

周紫芝

老翁腸斷江南村誰道楚些招歸魂月明常憶看花處  
斷橋流水天黃昏一行作吏此事廢日涉謾記柴桑園  
天憐羈客老且病玉琢妙語清而溫當時飽吃惠州飯  
十年來負蠻鄉噉花飛白雲颶欲起瘴濕黃茅人閉門  
爲公復誦海南句寒掩卷淒無言傷心起酌玉局老  
夜半獨漉鵬夷樽

次韻仲平雪中之作

周紫芝



少年何嘗屈此膝自料一生能幾屐誰知臘月雪蔽空  
三日衡門斷人跡心知無事止坐詩天解窮人無乃力  
故山欲放雪中梅空恨此中無鐵石中郎官熱亦怕寒  
著意窮途聊作客北風吹酒天始愁玉雪滿空心自憚  
想君鹽絮方入詩憐我鬢鬚同一色山行安得趁驂騑  
快踏瓊田四蹄疾

吳興道中過落石祠廟貌甚嚴勝云唐李英公廟

周紫芝

天厭孤隋失群醜鹿走中原死誰手爬搔痒疥不足平

虬髯少年十八九經營四海多腹心英公扶持真臂肘  
從來斷國要老成公獨含糊無可否留得宮中老孽妻  
幾覆昭陵一杯酒蚤歲功名塞天破九廟丘墟只回首  
狐埋未幾狐掘之天上浮雲倏蒼狗更憑頑石作靈祠  
頗似當年柳州柳不知梁公摩虎鬚爲言百歲不耐姑  
提師十萬復誰可與邦一言還要渠人間萬事本難料  
老將未須輕腐儒

茗雪舟中二首

周紫芝

故國辭家遠茗溪轉柁深交遊千里隔歲月二毛侵滿

意悲煙樹移時看水禽唯應陪魯望相見可知心

雲暗千家雨寒生兩岸秋水翻波入戶人靚玉明樓山  
色遮愁眼荷香滿客舟水晶宮裏夢還作此生遊

聞耘老猶在霅州

孫耘老名有功徽人能詩

周紫芝

湖上雖相見重來失後期風塵爲客久舟楫送歸遲鴈  
遠無消息梅殘惱別離何時酌君酒爛熳說新詩

次韻仲平喜雨二首

周紫芝

旱欲流金山欲裂百千火聚作此熱秋風忽送雨一犁  
應念田夫汗流血廟堂調燭隨弛張五色線補虞帝裳

書生擬作豐年頌  
臨窓弄筆鬢如霜

田作何郎炊餅裂  
飲水不收中腸熱  
千山雪路鳥絕飛  
六月行人駒汗血  
風師偃旆那復張  
雷師鞭雨沾帷裳  
雨中髣髴雲子香  
行看玉粒秋飽霜

謁顏魯公祠時新築懷忠堂

周紫芝

平生高日看兒童  
晚喜低頭拜魯公  
政恐父師千載後  
未輸丞相百年中  
投諸魑魅知何事  
碎得狻猊有底功  
長遣忠臣泣遺恨  
謾營華屋照豐容

季共以師子花見借作詩歸之而報甚寵且言隆

近爲余作數馬奇甚乃作此詩以見願借之意

周紫芝

畫史俗士非畫者支郎好馬能畫馬爲君肯作數驂驄  
班郎應歌天馬下前人絕筆俱絕倫後人骨冷喚不聞  
試借雲衢千里足洗我眼中凡馬群

隆畫僧

季其以隆師四馬見示後三日作長句以歸之

周紫芝

少陵說馬誰擅場老韓曹霸江都王只今傳法誰得妙  
支郎爲藝龍眠香沙平草細春日長何人識此真乘黃

歸君逢齋君卷藏似君千里萬驕驤

韋深道寄茗雪舟中六言五首

韋許

周紫芝

盡舸一帆煙浪薰風十里荷花雨著千岩萬壑相隨汎  
宅浮家

水繞卧沙鴻鵠浪翻擎雨葉葉向晚拖樓獨倚共誰同  
看跳珠

韋郎無意剪白次山亦漫爲官要遣茗溪風雨飽君筆  
下波瀾

滿眼紅粧迎笑昔年遊客經行忽得風前麗句似聞蓬

底波聲

我作三吳短夢小安近水茅茨解餐能言鴨子閑看似  
酒鷺兒

題蔡仲平博士行田記唱詩軸

周紫芝

當年車騎兩聯翩來按鍾陵水後田可但癡兒了公事  
尚餘詩思入風煙

令君頗似太丘賢水旱憂君記昔年父老猶能談舊事  
想隨佳句共流傳

落雪舟中戲題

時赴官行在官  
舍在西湖上

周紫芝

永日扁舟破浪遲青蘋不動柳低垂蒲川安得飛來雨  
看濕紅裙雪藕絲

羅叔共五色線中得玄真子漁父詞擬其體傑亦

擬作六首

叔共  
名疎

周紫芝

好箇神仙張志和平生只是一漁叢和月醉棹紅歌樂  
在江湖可奈何

禁中圖畫訪玄真晚得歌詞獻紫宸天一笑物皆春依  
舊扁舟釣白蘋

解印歸來暫結廬有時同酌水西魚閑看屐醉騎驢分



明人在輞川圖

趁梅尋得水邊枝  
獨棹漁舟却過谿  
人似玉醉如泥閑  
歌五色線中詩

人間何物是窮通  
終向煙波作釣翁  
江不動月橫空漫  
郎舡過小回中

花姑溪上鷺鷥灘  
辜負漁竿二十年  
無可載不拋官携  
取全家去不難

定光院

武康

王銍

兵戎幾歲劇波翻  
去住優游僧自閑  
已熟機緣到真際

久將生死斷人寰  
沙明寒水月窺澗  
路濕曉煙秋在山  
一佛鏡中那是別  
孤雲不離亂峰間

遊清果寺

在長興

周之深

西郊出郭未十里  
寺在白雲深處藏  
僧爲愛閑長閉戶  
客來無語自迴廊  
近松古瓦落夜子  
傍水小池生暮光  
依稀指點飯籬水  
不知何處問興亡

石橋

周之深

地險知人特地來  
猿禽意思也徘徊  
遙瞻聖境真如在  
休問石門開未開

詩

出錦繡萬花谷第  
六句後似有闕文

俞秀老

雪溪景物見歌詩只有當年杜紫微  
沽酒店穿斜巷出採蓮船傍後門歸  
翠沾城郭三千點清蕪樓臺水一圍

明月峽

許遵

明月中天靜飛泉一道清  
長官春勸課來此濯塵纓

將遊苕溪先寄同志

黃裳

長安苕溪乍入秋有時東去與君遊  
詩牋酒盞遊何處十里荷花一葉舟

詩

張大亨

方寸平田便有餘子孫無復廢耕鋤已將不死爲嘉種  
更向無何築隱居

自蒲赴湖早行作

晁補之

小隱幽情薄宦身五更騎馬壽安塵春如流水行隨客  
曉與青山氣逼人報國丹心千載事對花霜鬢一番新  
秦吳絕域從來恨我已能知莫問津

自蒲赴湖至板橋逢杜謀伯

晁補之

二年兩度踏京塵猶喜常逢杜子春文學老來從舊日  
金蘭同好更何人身慙隨檄終難彊計欲歸耕未敢陳

正是桃花紅似血不應無酒但霑巾

再和嘉父見貽

晁補之

使君心賞在高山櫟社寧煩匠石看能似鼠多愁渡谷  
仕如黠鈍笑緣竿威儀披霧窺文豹音韵當衢聽玉鸞  
曾共廣陵花下醉綈袍應歎一何寒

次韻嘉父喜雪

晁補之

六出先春兆物華故撩高韵發車斜散榆天上齊飛莢  
布玉畦中盡吐芽梁苑俊遊風不極剡溪清泛月無涯  
雄豪樂事幽人詠都屬江南太守家

秀聚亭

武康

陳 確

曉色春風裏維舟一小亭看山渾不倦待得雪峰青

遊越山寺看泉

劉景文

龜溪有路蓮花引鷺嶺無時雲霧生聊放此生留舴艋  
不逢人處聽泉生

與嘉父兄弟別於臨川復會毗陵

釋德洪

君家兄弟萬人傑何止才容誇兩絕憶昨江南山盡頭  
西津渡口曾相別君時慘然纒制中行將扶護歸吳越  
我亦買舟還故山社燕秋鴻那忍說客中不覺舟塹走

邇來飄忽經歲月毗陵那料又相逢喜君美髯冰玉頰  
竹軒堆髻話臨川清論無窮如鋸屑意消已覺在秋鄉  
坐令五月失炎熱歸來喜甚不成寐起步空庭聽風葉  
念君姓名懸夢想吳江未可停舟楫欲看驟裏付王良  
相與煩君爲調燮平生無求任所見往往撩人面紅冽  
恃君猶作故人看此詩聊當名紙謁

戒壇院東坡枯木張嘉父妙譽童子告以僧不在  
不可見作此示汪履道

釋德洪

雪裏壁間枯木枝東坡戲作無聲詩雪川謫仙亦豪放

酒闌爲吐煙雲詞  
開傳秀色絕今古  
正如四月出盆絲  
老僧遮護不許見  
敲門游客遭慢欺  
我來擬看亦乘興  
興盡却還君勿嗤

徐師川罪余作詩多恐招禍因焚去筆硯入居九  
峯授老庵讀高僧曇諦傳忽作數語是足成之以  
寄師川師川讀之想亦見赦二首

釋德洪

歸來卧起有餘適  
老去消磨無雜緣  
門外不知何歲月  
夢中亦覺在雲泉  
千年高道誰酬價  
一世清閑我賣錢  
安得道人江北去  
此詩先錄寄師川



古書漫滅字爛斑眼倦頽然整頓閑以法爲親疎世相  
視身如幻寄人間業緣有盡今脫手老態無因日上顏  
已辦一瓢期澗飲要刳余潤到崑山

晚歲卜居於寶溪之上建觀禊堂於水濱紹興癸丑  
與客泛舟修禊甚樂距永和癸丑不知其幾癸丑也  
因與客相與推筭自永和九年歲甲子一週爲晉義  
熙九年又一週爲宋元徽元年自後梁大通元年隋  
開皇十三年唐永徽四年開元元年大曆八年大和  
七年景福二年周顯德二年本朝祥符六年熙寧六

年皆歲在癸丑凡七百八十年矣乃作詩以紀其事

葛勝仲

快雨霽亭午晴曦作春妍鄰曲饒勝士共開浮棗筵中  
流慙嘯詠隱浪金壺偏紅芰初出水捧劍疑來前緬懷  
蘭亭會七百八十年可憐右軍痴生死情纏綿由來彭  
殤齊顧或謂不然吾黨殆天放卜夜就管弦六尺細腰  
女舞袖輕回旋且畢今日歡不期來日傳

定光禪院

葛勝仲

雲巖五花樹下臨碧玉潭泛泛石溜中此獨潏揉藍潭

底玉石響聲如奏韶咸名從襄陽樣山神固不甘姓字  
汙山谷貞元歲所鑱我來事登覽云有神龍潛驕陽虔  
禱禱膏乳一境霑靈祠錫碩號丹腰飛楹欄僧廬鎖深  
闕靈境超塵凡懸瀑二十丈銀河掛高巘飛流濺珠琲  
餘潤霑松杉震響涵朝夕數里聲不滅禪客伴幽討高  
下皆窮探猿鶴不足數俗駕從譏嫌何當叩龍宮寶方  
求玉函

妙行堂

武康

葛勝仲

妙行堂前聳碧鮮壺中軒外疊磴斲山門靜對青霄潤

佛殿寬圍碧玉寒躡屐喜隨談理客饋漿驚見字民官  
開山老侶存遺像試問何如釋道安

寓居寶溪呈葛魯卿

富直柔

青衫短薄汝陽天鶚牘當時誤薦賢承乏西樞了無補  
還依丈席聽韋編

洛陳花骨巧裁詩曾把梅篇薦玉墀來說他年調鼎事  
只今身已鳳凰池

陳君談論席生風段子文詞氣吐虹參木腴腴皆入篋  
知人謚過葛僊翁

陳名恬段子拂

謝葛魯卿惠酒肉薪米

陳恬

不是故人供祿米初非縣令給猪肝  
養賢禮厚隆三簋拜賜恩深艷一簞

綠野堂

呂純陽

綠野堂在沈侍郎驛百花莊內一日壁有黃土書詩

云呂純陽筆也

烏青志

萬里西來蜀道長杖藜閒步百花莊  
誰知雞犬千家市中有神仙一島藏  
乳燕鳴鳩春寂寂落花飛絮水茫茫  
主人了却平江事來此重觀綠野堂

題詩時侍郎以致政歸後復起爲平

江守卽其前知  
信爲仙所作也

送莫郎中致仕歸湖州詩

并引

無名氏

世傳雪上多高士今莫公其人哉公爲刑部郎中一  
旦浩然思歸遂奏乞謝事朝廷深惜其人材重違其  
高致卽以本曹郎致仕考之近歲未有此例也是時  
公方中年擺落顯仕如遺芥考之近歲未見其人也  
凡朝廷之士大夫至於府史閭巷之人莫不咨嗟歎  
息曰賢乎哉莫公然予常觀之士風之零替未有如  
今日之甚也非特士風之尤乃法令致使然爾異日

三丞致仕得官一子今則不得也至朝奉郎乃得之  
及朝奉郎年及格不得也不躬受不得也至則有耄  
老而不去旣去而復來自列其年歸過乃父疾亟方  
請命至亡哭扶尸以給將命使者不授牒訟紛紛逾  
時不決古人以致仕爲榮交親畢賀今人以致仕爲  
病子孫交諱嗚呼天下士風一至於此由是觀之莫  
公其賢者乎天下之人聞其風者可以興起矣余雖  
於公不深獨喜而樂道之

言上多高士君今又乞身中年謝事客白日上昇人靜

泛茗谿月閑嘗顧渚春滔滔夜行者能不愧清塵

慈感寺珠羅漢

曾紆

不知一壳幾由旬能納須彌不動尊疑是吳興清雪水  
直通方廣古靈源月沉濁水圓明在蓮出汗泥寔性存  
隱現去來初一致莫將虛幻點空門

次君表韻答葉少蘊甥

晁冲之

老去幽棲誰比數傳君詩一邑人驚敢叨禮亦推甥舅  
借問年猶媿弟兄今日蒼龜真有望終身木鴈兩無成  
凡才那可供圖去目送飛霞向赤城



和葉甥少蘊內翰重開西湖見寄二首

晁冲之

使君重鑿西湖罷也復封詩寄我來洲上新題花鳥處  
苑中舊體栢梁臺風煙直覺鍾山近魚鳥渾疑澗水開  
揮翰玉堂還有日行春停騎且留杯

一麾偃蹇江湖去五馬侵尋觀闕來就日金坡通漢苑  
望雲玉澗斷蘇臺自迎檝立看時渡

近聞買妾

手種花行到

處開笑語風流韓別駕莫令鸚鵡訴餘杯

和寄葉甥少蘊內翰見招

晁冲之

翰林赫奕今如此莫道人惟舊雨來龐老終身遠州府

劉郎何面向春臺

人兄嘗言少  
蘊亦欲見招

園宜杏子非時結溪澗

梅花過日開兩地聲聞無百里相望一覆手中杯

次韻再答少蘊知府甥和四兄

以道

長句并見寄

晁冲之

錦袍昔是詩成得別墅今非棋賭來山蔚藍光交抱舍  
水桃花色合園臺通人竹塢深深入謝客松扉遠遠開  
定與西湖爭勝負只應惟欠使君杯

塵埃自與青雲斷歲月誰令白髮來數口無歸闕外客

一春多病望中臺常閉水上鷗從遠只老籠中鶴任閒  
日日避愁無處脫直須到手不停杯

復和少蘊內翰甥兼謝伯蘊通判兄再贈

晁冲之

西湖波浪還佳色風物悲人老可驚游接竹林公對叔  
夢迷春色我思兄酒沾鸚鵡杯行盡

前與伯蘊兄詩常有鸚鵡杯之戲

詩傍蟾蜍研立成壯思不逢韓吏部高名誰伴謝宣城

復用韻

晁冲之

史奏德星今復聚鄉評月旦昔何驚潁川人望須公守

荀氏家聲付此兄  
湖影龜魚同聚散  
棠陰燕雀半生成

若爲脩禊無絲竹  
古調新詩唱渭城  
少蘊新作木蘭花詩奇絕

九姑山最高亭

姚 穀

一亭重構冠崇岡  
下瞰千巖拱四旁  
作意祗圖分野景

凌空因得近天光  
銀河入夜侵衣冷  
玉桂乘秋泛席香

我輩公餘堪燕集  
登臨何必待重陽

簡寂觀 陸脩靜故居

李 綱

高士不可見  
雲鄉空舊居  
煙嵐飛瀑外  
露石禮星餘  
松

老未歸鶴沼  
深時見魚何人覓  
丹訣應有枕中書

送陳侗知湖州

劉 珙

使君磊落襟度大得失喜愠心能忘安貧樂聖士之分  
十年蓬館親縑紵口無一語論饑飽九尺曼倩空堂堂  
周旋朋友絕芥蒂遇酒快飲能百觴請符賜節愜所願  
開府正得東南鄉稍留里社上楸隴錦衣晝日生輝光  
招延故老費吳酎正是鱸肥枿子黃守居清絕水精園  
洲渚四面蘋花香席前海物滋味足宴客不恨無肥羊  
平日所懷儻盡試定有美政傳循良離群索居不足道  
及時功業其自彊

遊南峰寺

在支硎山

葉夢得

澤國鍾下流有山獨西南標奇惜明眼夙昔多窮探腹  
背眩金碧鐘魚半精藍支郎放鶴地妙鮮無餘談高木  
氣未炎綠陰正清酣我懶倦登陟茲行咤猶堪幽尋雖  
云初佳處默已諳久欲謝塵滓往同彌勒龕平生術九  
九晚識前三三才也實可人窮年玩煙嵐胸中有定水  
萬境潛包含嚴霜掃頰紫老榦餘梗楠嗽蔗要自佳食  
茶亦云甘坐斷方丈室天花雨氎氎笑我窘世網何如  
老眼蚤我今已解縛真理蚤自耽但恐愛山意多求尚

成貪願借待月嶺重開石頭菴  
偃松久傲兀碧琳故澹  
渾言尋覺菴路更欲從徧參

括蒼護法寺

葉夢得

蓬萊仙人好樓居飛騰十二鄰  
紫虛茂陵劉郎壓塵上  
欲棄敝屣追霞裾栢梁建章上  
霄漢凌雲作賦憐相如  
九關竟斷雷雨隔汗漫未可平  
尻輿百年玉椀在人世  
白髮既老誰能除邪知幽子三昧手  
坐斲一室巉崎嶇  
飛欄跨空繚千嶂下睨衆木森扶疎  
真遊已遠不易到  
幽事僅足寧求餘我來佳處得咫尺  
崖谷更值晴烟初

超然更覺塵境絕脚底未恠鳴鍾魚

括蒼靈峯寺

葉夢得

故里百年舊幽人三宿情依然同遠社不比涕燕城徑  
狹雲朝湧窓寒雪夜明每憐他日意愁絕自難平

送嚴胥侍郎北使

葉夢得

朔風吹雪暗龍荒荷橐驚看玉節郎  
楛矢石罟傳地產  
醫闔析木照天光傳車玉帛風塵息盟府山河歲月長  
寄語遺民知帝力勉拋鋒鏑事耕桑

吳興慈感寺珠羅漢

葉夢得



九淵幽怪舞垂涎遊戲那知我獨尊應迹不辭從異類  
藏身何意戀窮源歸來自說龍宮化久住方知鷲嶺存  
此話須逢老摩詰員通無碍本元門